



Bosnia and Herzegovina
Federation of Bosnia and Herzegovina
CANTON SARAJEVO
Institute for Construction of Canton Sarajevo

Broj: 06-45-7346/26
Sarajevo, 24.09.2026. godine

Na osnovu člana 70. Zakona o organizaciji organa uprave u FBiH („Sl. novine FBiH“ br. 35/05) i člana 70. stav (1) i stav (3) Zakona o javnim nabavkama („Sl. glasnik BiH“ broj: 39/14, 59/22 i 50/24) nakon provedenog postupka javne nabavke Konkurentskim zahtjevom za dostavu ponuda za **“Nabavka kancelarijskog namještaja za potrebe Zavoda za izgradnju Kantona Sarajevo“**, a na osnovu Preporuke komisije za javne nabavke broj: 06-45-7230/26 od 21.09.2026. godine i Izvještaja Komisije za javnu nabavku direktor Zavoda za izgradnju Kantona Sarajevo **d o n o s i** :

ODLUKU
o izboru najpovoljnijeg ponuđača

1. U skladu sa članom 64. stav (1) tačka b) Zakona o javnim nabavkama („Službeni glasnik BiH“ broj 39/14, 59/22 i 50/24) ugovor u postupku javne nabavke robe: **“Nabavka kancelarijskog namještaja za potrebe Zavoda za izgradnju Kantona Sarajevo“** dodjeljuje se ponuđaču „Inter-com“ d.o.o. Zenica za ponuđenu cijenu nakon e-aukcije u iznosu od **30.380,00 KM bez PDV-a**, PDV 17% 5.164,60 KM, odnosno u **ukupnom iznosu od 35.544,60 KM sa PDV-om**, s obzirom da je podnio prihvatljivu ponudu sa najnižom cijenom.
2. Izabrani ponuđač iz tačke 1. dispozitiva ove Odluke dužan je u roku **od 3 (tri) dana** od dana zaprimanja ove Odluke dostaviti ugovornom organu **original ili ovjerenu kopiju** dokumentacije iz tačke 12.1. tenderske dokumentacije, u svrhu dokazivanja činjenica potvrđenih u Izjavi o ispunjavanju uslova iz člana 45. stav (1) tačke od a) do d) Zakona o javnim nabavkama (Aneks 5 tenderske dokumentacije) i **original ili ovjerenu kopiju** dokumentacije iz tačke 13.2 tenderske dokumentacije u svrhu dokazivanja činjenica potvrđenih u Izjavi o ispunjavanju uslova iz člana 47. stav (1) tačka a) Zakona o javnim nabavkama (Aneks 6 tenderske dokumentacije).
3. Ova Odluka objavit će se na web-stranici <http://zik.ks.gov.ba>, Zavoda za izgradnju Kantona Sarajevo istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.
4. Ova Odluka stupa na snagu danom donošenja i dostavlja se ponuđačima koji su učestvovali u postupku javne nabavke, zajedno sa Zapisnikom o ocjeni ponuda broj: 06-45-7225/26 od 21.09.2026. godine u skladu sa članom 71. stav (2) Zakona o javnim nabavkama.

O b r a z l o ž e n j e

Na osnovu Odluke o pokretanju postupka javne nabavke broj: 06-45-6659/26 od 31.08.2026. godine Zavod za izgradnju Kantona Sarajevo je pokrenuo postupak javne nabavke Konkurentskim zahtjevom za dostavu ponuda, pripremio tendersku dokumentaciju, objavio Obavještenje o nabavci broj: 285-7-1-76-3-28/26 na portalu javnih nabavki i objavio tendersku dokumentaciju za **“Nabavka kancelarijskog namještaja za potrebe Zavoda za izgradnju Kantona Sarajevo“** na portalu javnih nabavki u skladu sa članom 53. stav (2) Zakona o javnim nabavkama BiH („Službeni glasnik BiH“ br. 39/14, 59/22 i 50/24) i članom 8. stav (1) Uputstva o uslovima i načinu objavljivanja obavještenja i dostavljanja izvještaja u postupcima javnih nabavki na Portalu javnih nabavki („Službeni glasnik BiH“ br. 80/22).

Javna nabavka za **“Nabavka kancelarijskog namještaja za potrebe Zavoda za izgradnju Kantona Sarajevo“** je objavljena u „Službenom glasniku BiH“ broj: 65/26 od 04.09.2026. godine



Bosnia and Herzegovina
Federation of Bosnia and Herzegovina
CANTON SARAJEVO
Institute for Construction of Canton Sarajevo

Procijenjena vrijednost javne nabavke iznosi: 31.000,00 KM (bez PDV-a);
Krajnji rok za prijem ponuda: 14.09.2026. godine do 12:45 sati.

Komisija za javnu nabavku se sastala dana 14.09.2026. godine u 13:00 sati, radi preuzimanja i otvaranja ponuda u postupku javne nabavke "Nabavka kancelarijskog namještaja za potrebe Zavoda za izgradnju Kantona Sarajevo", koju su podnijeli ponuđači:

-,R&S" d.o.o. Sarajevo (broj: 45-7016/26 od 14.09.2026. god), cijena ponude 30.532,50 KM bez PDV-a, popust: 0,00 KM, PDV 17%: 5.190,53 KM, odnosno u ukupnom iznosu od 35.723,03 KM sa PDV-om

-,Inter-com" d.o.o. Zenica (broj: 45-7037/26 od 14.09.2026.god), cijena ponude 31.000,00 KM bez PDV-a, popust: 0,00 KM, PDV 17%: 5.270,00 KM, odnosno u ukupnom iznosu od 36.270,00 KM sa PDV-om

Komisija je otvorila ponude navedenih ponuđača i Predsjednik komisije za javnu nabavku je iz „Obrasca za cijenu ponude“ i „Obrasca za ponudu“ pročitao ponuđene cijene ponude, dok su uslovi i način plaćanja bili zadati tenderskom dokumentacijom. Ostale dokumente na javnom otvaranju ponuda Komisija nije pregledala.

Na otvaranju ponuda nije bilo ovlaštenih predstavnika ponuđača što je konstatovano u zapisniku sa otvaranja ponuda.

Komisija je istog dana na zatvorenom sastanku izvršila pregled dostavljenih ponuda da bi utvrdila da li su ponuđači ispunili uslove iz člana 45. do 52. Zakona o javnim nabavkama („Službeni glasnik BiH“ br. 39/14 , 59/22 i 50/24), izvršila računsku kontrolu ponuda i utvrdila da li su ponuđači dostavili prihvatljive ponude u skladu sa zahtjevima iz tenderske dokumentacije. Komisija je konstatovala sljedeće :

Ponuđač „R&S“ d.o.o. Sarajevo je dostavio ponudu u skladu sa zahtjevima iz tenderske dokumentacije i ispunio sve uslove iz prava učešća propisane članom 45. do 52. Zakona o javnim nabavkama („Službeni glasnik BiH br.39/14 , 59/22 i 50/24), kako je zahtijevano tenderskom dokumentacijom, te je ponuda ponuđača „R&S“ d.o.o. Sarajevo prihvatljiva. Računskom kontrolom ponude ponuđača „R&S“ d.o.o. Sarajevo Komisija je konstatovala da je ponuda računski ispravna.

Ponuđač „Inter-com“ d.o.o. Zenica je dostavio ponudu u skladu sa zahtjevima iz tenderske dokumentacije i ispunio sve uslove iz prava učešća propisane članom 45. do 52. Zakona o javnim nabavkama („Službeni glasnik BiH br.39/14 , 59/22 i 50/24), kako je zahtijevano tenderskom dokumentacijom, te je ponuda ponuđača „Inter-com“ d.o.o. Zenica prihvatljiva. Računskom kontrolom ponude ponuđača „Inter-com“ d.o.o. Zenica Komisija je konstatovala da je ponuda računski ispravna.

Tenderskom dokumentacijom je predviđeno da se u predmetnom postupku javne nabavke u skladu sa Pravilnikom o uslovima i načinu korištenja e-aukcije („Službeni glasnik BiH, br. 80/23) provede e-aukcija.

Komisija za javnu nabavku je sačinila rang listu prihvatljivih ponude (cijene bez PDV-a prije e-aukcije), kako slijedi:

1. „R&S“ d.o.o. Sarajevo..... 30.532,50 KM
2. „Inter-com“ d.o.o. Zenica.....31.000,00 KM



Bosnia and Herzegovina
Federation of Bosnia and Herzegovina

CANTON SARAJEVO
Institute for Construction of Canton Sarajevo

E-aukcija za predmetni postupak javne nabavke zakazana je za dan 21.09. 2026. godine u 09:30 sati i ista je uspješno završena.

Prema rezultatima Izvještaja o toku i završetku e-aukcije sačinjena je konačna rang lista ponuđača koji su sudjelovali u e-aukciji za postupak javne nabavke: “ **Nabavka kancelarijskog namještaja za potrebe Zavoda za izgradnju Kantona Sarajevo**“, (cijene bez PDV-a **nakon** e-aukcije), kako slijedi:

1. „Inter-com“ d.o.o. Zenica.....**30.380,00 KM**
2. „R&S“ d.o.o. Sarajevo.....**30.408,00 KM**

Nakon izvršene ocjene ponuda i okončane e-aukcije Komisija daje preporuku Ugovornom organu da se u skladu sa članom 64. stav (1) tačka b) Zakona o javnim nabavkama („Službeni glasnik BiH“ br. 39/14, 59/22 i 50/24) ugovor u postupku javne nabavke za: “ **Nabavka kancelarijskog namještaja za potrebe Zavoda za izgradnju Kantona Sarajevo**“, dodijeli ponuđaču „Inter-com“ d.o.o. Zenica za ponuđenu cijenu **nakon e-aukcije** u iznosu od 30.380,00 KM bez PDV-a, PDV 17% 5.164,60 KM, **odnosno u ukupnom iznosu od 35.544,60 KM sa PDV-om**, obzirom da je u predmetnom postupku ponudio najnižu cijenu prihvatljive ponude.

Komisija je sačinila Zapisnik o ocjeni ponuda broj: **06-45-7225/26 od 21.09.2026. godine**, koji je sastavni dio ove Odluke i koji se dostavlja svim učesnicima u predmetnom postupku javne nabavke. Shodno navedenom odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke svaki od ponuđača može izjaviti žalbu Uredu za razmatranje žalbi putem Ugovornog organa. Žalba se izjavljuje u pisanoj formi direktno na Protokol ugovornog organa ili preporučenom poštom, u roku od 5 (pet) dana od dana prijema ove Odluke o izboru najpovoljnijeg ponuđača. Žalba se podnosi u najmanje 3 (tri) primjerka. Naknada za pokretanje žalbenog postupka iznosi 750,00 KM.

Dokaz o plaćenju naknade za pokretanje žalbenog postupka u navedenom iznosu na osnovu kojeg se može nesumnjivo utvrditi da je transakcija izvršena i kopija bankovnog izvoda računa sa kojeg je izvršeno plaćanje, obavezno se dostavlja Ugovornom organu, u roku za izjavljivanje žalbe.



Direktor:

Belma Dariov, dipl.ing.arh.

DOSTAVITI:

1. „Inter-com“ d.o.o. Zenica putem e-mail: benedina@inter-com.ba
2. „R&S“ d.o.o. Sarajevo putem e.maila: jn3@ris.ba
3. a/a